

po de condurli, *tamen* li dà a lire 9 el staro, et fo ubligà a la Zecca el trato de diti formenti, venduti che saranno.

Item, fo ubligà a la Zecca per li primi ducati 2000, certi danari recuperadi da sier Filippo Trun, andò fuora, che promesseno pagar 1533 et 1534, in questo mezo se dagi de danari di la Signoria 6 per 100.

Fo leto una gratia de Hironimo Alberti secretario, ha sora la vicaria di Feltre ducati 100, dimanda di gratia la nodaria de Auditori nuovi prima vacante, et hauta lassa li ditti ducati 100, *ut in suplicatione*. Et sier Alvise Mozenigo el cavalier, savio dil Conseio, contradixè altamente, sichè li Cai non mandorono la parte.

Et licentiatò la Zonta, restò il Conseio di X semplice et assolseno uno da Serravalle, il qual

A dì 14, Domenega, fo la Croce. Non fo alcuna lettera nè cosa notanda. Zonti 3 schierazi con formenti.

Da poi disnar, fo Gran Conseio; non fu il Sere-nissimo. Fatto podestà e capitano a Crema, in luogo di sier Piero da chà da Pexaro, ha refudado hessendo in rezimento, sier Alvise Bragadin, fo podestà e capitano a Treviso, qu. sier Marco, et altre 9 voxe.

Et nota. Sier Iacomo Dolfìn, fo podestà et capitano a Treviso, dove ha spexo tanti danari in la intrada e ne l'ussida, et *tamen* lui medemo se tolse di Pregadi et cazete.

Fu posto una gratia de uno debitor de la Signoria per perdeda de datii, vol pagar de tanto cavedal et pro Monte vechio di le 30 page: ballotà do volte, fu presa.

Fu posto, poi li Consieri et Cai di XL, la parte presa a dì 11 in Pregadi, zerea li condanadi, non possino dar più denontie, *ut in ea*. La copia sarà qui avanti. Fu presa.

A dì 15. La matina, non fu alcuna lettera. In Quarantia Criminal, per il caso di sier Iacomo Memo fo proveditor al Zante, hessendo compito di lezer le scritture, sier Mafio Lion, *olim* avogador in questo caxo, comenzò a parlar sopra tre opposition.

Da poi disnar, fo Collegio de la Signoria, Cai et Biave, et alditeno, per quelli tieneno li fontegeti, sier Sebastian Venier avogato, et poi, per quelli di fontegeto di la farina, domino Alvixe da Noal dottor avogato.

A dì 16. La matina, non fu alcuna lettera. In

Quarantia Criminal compite di parlar sier Mafio Lion nel caso di sier Iacomo Memo, et poi disnar parlò sier Alexandro Baxadona, avogato dil Memo, et damatina se balloterà, et si tien sarà assolto.

Da poi disnar, fo Collegio de la Signoria et Cai di X et Biave, et fono sopra la regulation de fontegeti de la farina, che di 41 botege le reduseno a numero 28, dando a li altri le loro utilità; et di quelle siano 8 deputadi a li fontegeti, et altri vorano meter farine in fontegeto, potendo loro metter li soi venditori etc.

Di Trento, fo lettere di sier Zuan Dolfìn podestà di Verona, di Come li zudexi arbitri voleno andar in Friul a veder li lochi de le differentie, et in questo mezo lui sier Zuan Dolfìn, volendo cussì la Signoria, tornerà podestà a Verona per compir alcune cose, et li fo concesso che l' venisse.

A dì 17. La matina, fo grandissima pioza per do volte, ma non durò molto.

Da Costantinopoli, di oratori, fono lettere, di 10, 15 et 17 Avosto, et altre drizate a li Cai di X, et di domino Alvise Gritti a li Cai di X. Morbo grandissimo, et altre particolarità, come scriverò, lete saranno in Pregadi.

Fo parlato de tuor certi danari de Monti, per dar doni a quelli faranno nave, et parlato in Collegio con li Proveditori sora i Monti, sier Andrea Trivixan el cavalier, sier Lorenzo Bragadin, sier Francesco di Prioli procurator.

Da poi disnar, fo Conseio di X con Zonta, et fu leto le *lettere di Costantinopoli di domino Alvise Gritti, drizate al Conseio di X*, in materia de formenti, *di 10 fin 17 Avosto*.

Fu posto una regulation dil Collegio di le biave, 224* *videlicet* entrino quelli dieno intrar in loco de cazadi o quelli che mancasse de ordeni ballotano li Avogadori de Comun, et non suplendo li Cai di X, et siano cazadi tutti chi fa mercadantia de biave lui pare, fio et frar, *ut in parte*. *Item*, quelli hanno più di stera 300 de intrada. *Item*, che li Proveditori a le biave debbano venir al primo de zugno in Collegio per far provision de haver biave per l' anno futuro. *Item*, che li Proveditori sora l' Arsenal et proveditori sora l' Armar *de coetero* siano electi de questo Conseio, zoè dil corpo, et di officio continuo, possendo meter parte in Pregadi zerca il loro officio. *Item*, che se fazi un deposito in li magazeni de megii stara 100 milia in anni tre, non passando el tempo, et non se possi aprir diti magazzeni se non per parte presa in questo Conseio